



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Tribunal Poenitentiæ Sev Libri Dvo Prior De Poenitente Ut  
Reo Posterior De Confessario Ut Judice**

**Stoz, Matthäus**

**Anno M.DC.LXXXIX.**

Art. 6. De signis veri doloris, & propositi.

**urn:nbn:de:hbz:466:1-37144**

sum pœnitentis, à quo res hæc unicè penderet, ut ex hac tenus dictis præsertim n. 107. colligere est.

## ARTICULUS VI.

## De signis veri doloris, &amp; propositi.

114. Hæc possunt esse, I. si præscripta media sint adhibita. II. si occasio[n]es saltem proximæ sit vitæ. III. si numerus peccatorum sit imminutus. IV. si pœnitens omnino afferat, cui plerumque credi debet, cùm ipse su[us] sit accusator, defensor & testis. Qua tamen in re opus est magnâ Confessarij prudentiâ, ne pœnitentem sua severitate avertat, neque etiam lenitate seducat, & peccet pereatque cum illo.

115. Sed enim illud pro solatio bonarum mentium non est omittendum, quod notant Navar. c. 3. n. 13. Henr. l. 4. c. 42. n. 4. Coninch. D. 2. d. 6. n. 59. Laym. l. 5. rr. 6. c. 4. n. 8. & 18. Bonac. D. 5. q. 5. f. 1. p. 8. n. 3. Suar. D. 4. f. 3. n. 5. Dicast. D. 6. d. 14. n. 246. & alij. Hi ergo docent, posse contingere, ut aliquis habeat absolutum & efficax propositum de cetero non peccandi, & tamen simul timeat, imò certò sibi persuadeat, se vel omnia aut plura peccata[m] mortalia, vel certum eorum aliquod genus non vitaturum, quia jam expertus est suæ voluntatis inconstantiam. Hic enim, et si in semet habeat causam, se coram DEO humiliandi, & calidioribus precibus ejus auxilium & gratiam implorandi, proposito tamen, quod ad Sacramentum sufficiat, non destituitur. Aliud enim est, velle & seriò etiam proponere, non pecare imposterū; aliud, scire, quod quis sibi

propositus, se facturum. Illud prius sp[ec]tat ad voluntatem; hoc vero posterius ad intellectum, & ex illo proposito ob cognitam voluntatis humanæ mutabilitatem necessariò non consequitur: sed nec ad veram contritionem requiritur, immo eriam, ut Navar. recte monet, sapit quan-dam superbiam: & ideo consulendum est, præsertim fragilioribus, ut de eo nihil cu-rent aut cogitent. Licet autem hic timor possit aliquando esse indicium propositi minùs perfecti; potest tamen stare, immo ordinariè stat cum absoluto & ad Confessionem sufficienti proposito, nisi forte oriatur ex affectu actuali erga peccatum, aut ex desperatione Divini auxilij.

116. Sub hæc ergo non recte faciunt Confessarij, qui à suis pœnitentibus exigunt specialem promissionem vel juramentum de hoc vel illo peccato impostorum non perpetrando, ut sic magis ab eo scelere absterrantur. Etsi enim possit hoc quandoque effrenati & abjectam in peccata voluntatem continere in officio, periculum tamen est, ne, dum ex uno laqueo explicare se volunt, in duplice[m] se induant, peccati videlicet novi, & insuper etiam perjurij. Neque habet Confessarius potestatem obligandi pœnitentem ad ea, quæ alias jure Divino vel humano præstare non tenetur, nisi ad opera pœnitentia, de quibus tamen ipsis non parùm dubitatur, ut videbimus.

117. Nihilominus tamen, si omnia iudicetur, ejusmodi juramentum esse medium opportunum ad absterendum hominem à crimine valde pernicioso, & ad commune & publicum alicujus communitatis damnum spectante, posset à pœnitente exigi, ut prius, quam absolva-

tur, juret, se tale crimen non patraturum: & ita de incendiarijs statuitur *cap. Peccatum. 23. q. 8.* & de ijs, qui ab excommunicatione solvuntur, decernitur *cap. 10. II. & 15. de sent. excommun.* ubi istiusmodi jurare jubentur, se staturos seu parituros mandato Ecclesiæ, pro damnatione satisfacturos, tale delictum non amplius commissuros, pœnitentiam injunctam impleturos &c. sed hæc ut Bonac. de *Excomm. D. 1. q. 3. n. 4.* notat, ad forum externum spectant, nec ad forum internum conscientiae sunt trahenda: non enim pro Confessione ea est necessitas juramenti, cùm sufficiat serium amplius non peccandi propositum: imò nec ad aliorum exemplum quidquam valeret occultum illud, quod intra Confessionem fieret, juramentum: ad quid ergo exigatur? nisi, ut dixi, in raro casu, quo credi potest esse medium accommodatum ad abstinentiam a peccato.

### ARTICULUS VII.

#### *Praxis eliciendi Contritionem.*

118. Quibus verbis aut internis mentis actibus Contritio formanda sit, ex haec tenuis dictis facile est colligere. Verba quidem ad eam exprimendam non sunt necessaria, cùm solamente possit, & quidem in iectu oculi, imò unico momento: ut patet in Davide, qui vix unicum illud peccavi Domino, protulit, mox à Propheta Nathan illud consolationis plenum verbum invicem audivit: *Dominus quoque transtulit peccatum tuum 2. Reg. 12.* si tamen verba adhibeantur (quod laudabile quoque est) ita profienda sunt, ut cum ijs mens consentiat;

ne videlicet, dum labijs quis profiteretur, se sua peccata commissa detestari, ea mente adhuc probet: in quem sane rectè detorqueri posset illud *Psalmi 77.* lingua suâ mentiti sunt ei: cor autem eorum non erat rectum cum eo.

119. Circumferuntur quidem non pauca paradigmata, quæ passim & vulgo habent pro perfecta Contritionis actu; cùm tamen revera non sint, ed quid niantur frequenter motivo Amoris erga DEUM, quem *Concupiscentia* appellant, & ad perfectam Contritionem non sufficiente constat ex dictis, 10. ut ergo forma Contritionis tum perfectæ, tum imperfectæ ad manus sit, utriusque unam vel alteram subjiciam, ut, si placeat, eam familiarem tibi reddas. Est enim consultissimum & sanctissimum, frequenter eam contritionem, quæ ex solo & puro DEI super omnia dilecti amore proficiuntur, clicere.

#### *FORMA CONTRITIONIS PERFECTÆ.*

120. Amabilissime Domine, Pater misericordiarum, & DEUS totius consolationis, qui propter nimiam, quâ nos diligis, charitatem, non vis mortem peccatoris, sed ut magis convertatur & vivat: dolco ex intimo corde, quid te DEUM meū, Patrem amantissimum, quem super omnia amo, offenderim. Velle ex animo, ut nunquam te offendisse. Detestor omne peccatum, à me unquam commissum, & quodcunque aliud, super omnia detesta-